

**Inuit innarluutillit tapersorneqarnissaannut Inatsisartut inatsisaat
allangortinniarlugu Inatsisartut inatsisaannik Naalakkersuisut
siunnersuuteqaqqullugit peqquneqarnissaannut Inatsisartut aalajangiiffigisassaattut
siunnersuut, tassani § 8 malillugu angajoqqaat, nakkutilliisut ilaquuttallu immikkut
ikiorneqarnissaannut pisinnaatitaaffeqarlutik. Inatsisartut inatsisissaattut siunnersuut
UPA2024-mut kingusinnerpaamik tunniunneqassaaq.
(Inatsisartunut ilaasortaq, Agathe Fontain, Inuit Ataqtigiit)**

pillugu

**Ilaqtariinnermut Peqqissutsimullu Ataatsimiititaliap
siunnersuutip aappassaaneerpeqarnerannut**

ISUMALIUTISSIISUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Mikivuk Thomassen, Inuit Ataqtigiit
Inatsisartunut ilaasortaq Eqaluk Høegh, Inuit Ataqtigiit
Inatsisartunut ilaasortaq Najaaraq Møller, Siumut
Inatsisartunut ilaasortaq Paneeraq Olsen, Naleraq

UPA2023-imi 10. maj 2023-imi siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Inuit innarluutillit tapersorneqarnissaat pillugu Inatsisartut inatsisaata allangortinneqarnissanut saqqummiussinissamut Naalakkersuisut peqquneqarnissaannik siunnersuutigineqartumi matumani siunertarinearpoq, taamaaliornikkut angajoqqaat, nakkutiginnittut ilaquutaasullu tamarmik immikkut ikiorserneqarnissamik pisinnaatitaaffeqarnerannik allassimasoqalissalluni. Allanguut taanna kingusinnerpaamik UPA2024-mi saqqummiunneqassaaq.

Siunnersuutit Inatsisartunit siullermeerneqarnera

Siunnersuut partiinit tigulluarneqarpoq, innarluutillilu inatsisaannik misissuineq aallartinneqareersoq innersuussutigalugu allannguutissatut siunnersuummik Naalakkersuisut ataani allassimasumik saqqummiussaqlutik:

”Inuit innarluutillit tapersorneqarnissaannut Inatsisartut inatsisaata allanngortinneqarneranik Inatsisartut inatsisaannik inunnut innarluutilinnut qanigisaasut pitsaanerusement 2 tapersorneqarnissaannik periarfissalimmik Naalakkersuisut saqqummiusseqqullugit peqquneqassasut Inatsisartut aalajangiiffigisassaattut siunnersuut. Inatsisartut inatsisissaattut siunnersuut kingusinnerpaamik 2024-mi tunniunneqassaaq”.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tungavilersuutitut allaaserineqassasut. Siunnersuutip piviusunngortinneqarnissaanut AC-fuldmægtigip ukiunut marlunnut aningaasarsiaanik 1 mio. kr.-inik naleqassasoq siunnersuuteqartup naatsorsuutigaa. Ataatsimiititaliaq tassunga oqaaseqaatissaqanngilaq.

Ataatsimiititaliap siunnersuummik suliarinninnera

Siunnersuutigineqartup akuerineratigut ilaquataasut ikiorneqarnissamut tapersorneqarnissamullu pisinnaatitaaffeqalernerannik kinguneqassaaq. Tilioq-ip Kalaallit Nunaanni kommuninut kaammattuutaasa ilagaat:

” Inuit innarluutillit qanigisaat ikiorneqartassasut tapersorneqarlutillu, soorlu ilinniartillugit, sulinermi isertitassanik annaasanik taarsiisarnikkut aamma ilaquataasunut inunnut innarluutilinnut ikiuisunut tapersuisunullu oqaloqateqartarnissaq.”¹

Siunnersuut kaammattuutitut qulaani taaneqartunut naapertuulluinnartoq ataatsimiititaliaq naliliivoq. Allannguutissatut siunnersuut naapertorlugu ilaquataasut sunik ikiorserneqarnissamik periarfissaqalissanersut ersinngilaq, taamaallaat “ilaqutaasunut qanigisanut tapersersuinissamut pitsaanerusement periarfissiisoqassasoq” allassimalluni. Pisariaqartitsinerup sukumiisumik naliliivigineqarnissaanut, siunissamilu neqeroorutaasalertussanut ilusilersuinermi ilaquataasut peqataatinneqarnissaannut aammalu allannguutissanik suliaqarnermi Tilioq-p, Pissassarfiup aammalu kommunit peqataatinneqarnissaanut Naalakkersuisut suliaqassasut ataatsimiititaliap kaammattuutigaa.

¹ [Tilioq-p kaammattuutai](#) Tilioq-p nittartagaanit

Ataatsimiititaliap inassuteqaatai

- Ataatsimiititaliap isumaqatigiittup Naalakkersuisut allannguutissatut siunnersuutaat akuerineqassasoq inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaaniigassanngortippaa.

Mala Høy Kúko
Siulittaasoq

Bjørk L. Kristensen
Siulittaasup tullia

Hans Peter Poulsen

Najaaraq Møller

Mikivsuk Thomassen

Eqaluk Høegh

Paneeraq Olsen